



Kakanj, 24. M. 2025. godine.

Broj: 01/D-01-43- 12874 /25

Na osnovu člana 48. Statuta Rudnika mrkog uglja "Kakanj" d.o.o. -Kakanj i Preporuke Komisije za javnu nabavku broj: 1234-11/25 od 20.11.2025. godine po otvorenom postupku (OP: 53/25 – Nabavka transportne trake za PPPiU (sa ugradnjom)), a u skladu sa članom 70. i 71. Zakona o javnim nabavkama („Sl. glasnik BiH“, broj 39/14, 47/14, 59/22, 50/24), Direktor Iso Delibašić, dipl.ekonomista i Prokurist Adi Hamidović, dipl.inž.maš., donijeli su

ODLUKU
o izboru najpovoljnijeg ponuđača
za Nabavku transportne trake za PPPiU (sa ugradnjom), OP 53/25

Član 1.

Za najpovoljnijeg ponuđača za nabavku roba – Nabavku transportne trake za PPPiU (sa ugradnjom), po provedenom otvorenom postupku OP: 53/25, izabran je sljedeći ponuđač:

Naziv / ime ponuđača		Ukupno ponuđena cijena bez PDV-a
1.	Konzorcij „AB PETROL“ d.o.o. Kakanj BIH-NS „COPEX“ d.o.o. Krušedo! selo Srbija	218.760,00 KM

Član 2.

Odbacuje se ponuda ponuđača „INDUSTRIJA 4B“ d.o.o. Kakanj dostavljena po otvorenom postupku nabavke OP: 53/25 - Nabavku transportne trake za PPPiU (sa ugradnjom), kao nepravilna.

Član 3.

Obavezuje se izabrani ponuđač iz člana 1. ove Odluke da u roku od 5 (pet) dana od dana prijema ove Odluke dostavi dokaze tražene tačkom 3.1. (član 45. Zakona o javnim nabavkama) tenderske dokumentacije. Ukoliko je ponuđač uz ponudu dostavio dokumente iz člana 3.1. Odluke, nije u obavezi dostavljati traženu dokumentaciju.

Član 4.

Za izvršenje ove odluke zadužuje se i ovlašćuje Služba za javne nabavke i Komercijalna služba RMU „Kakanj“ d.o.o.- Kakanj.

Član 5.

Ova odluka objavit će se na web-stranici <http://www.rmukakanj.ba/> istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 6.

Ova odluka dostavlja se svim ponuđačima koji su učestvovali u postupku javne nabavke, shodno članu 71. Zakona o javnim nabavkama.

O b r a z l o ž e n j e

Postupak javne nabavke proveden je putem otvorenog postupka, a pokrenut je na osnovu Odluke o pokretanju postupka javne nabavke broj: 01/D-01-43-10710/25 od 01.10.2025. godine.
Procijenjena vrijednost javne nabavke (bez uključenog PDV): 219.670,00 KM

Obavijest o nabavci broj: 967-1-1-404-3-254/25 poslana je na objavu dana 09.10.2025. godine, a objavljena je na Portalu javnih nabavki dana 09.10.2025. godine.

Zapisnik o ocjeni ponuda

Komisija za javnu nabavku je sačinila Zapisnik o ocjeni ponuda broj: 1232-11/25 od 20.11.2025.godine i Preporuku o izboru najpovoljnijeg ponuđača broj: 1234-11/25 od 20.11.2025. godine, u postupku javne Nabavke transportne trake za PPPiU (sa ugradnjom).

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu prispijelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda dvije (2).
- da su blagovremeno zaprimljene dvije (2) ponude.
- da nije bilo neblagovremeno zaprimljenih ponuda.
- da je ponuda ponuđača Konzorcij „AB PETROL“ d.o.o. Kakanj BIH-NS „COPEX“ d.o.o. Krušedo selo Srbija prihvatljiva.
- da je ponuda ponuđača „INDUSTRIJA 4B“ d.o.o. Kakanj nepravilna.

Razlozi obijanja ponude ponuđača „INDUSTRIJA 4B“ d.o.o. Kakanj c:

Razlozi odbijanja ponude:

Tačka 3. Tenderske dokumentacije propisuje Uslove za kvalifikaciju.

Podtačkom 3.2. – Ostali uslovi za kvalifikaciju, Ugovorni organ je propisao sljedeće:

Što se tiče tehničke i profesionalne sposobnosti, ponuđači trebaju ispuniti sljedeće minimalne uslove:

Član 49. tačka a) Zakona o javnim nabavkama

a) Uspješno iskustvo u realizaciji najmanje 1(jednog) ugovora ili više ugovora u prethodne tri godine (počevši od 09.10.2022.godine), čiji je karakter i kompleksnost isti onima koji se odnosi na predloženi ugovor (isporuka i ugradnja gumene transportne trake), a čiji zbir vrijednosti za jedan ugovor ili više ugovora ne može biti manji od 100.000,00 KM bez PDV-a.

Ocjena tehničke i profesionalne sposobnosti ponuđača će se izvršiti na osnovu sljedećih izjava i dokumenata koje dostave ponuđači:

Član 49. tačka a) Zakona o javnim nabavkama

- a) Spisak izvršenih ugovora u prethodne 3 godine počevši od 09.10.2022.godine, uključujući i tekuću 2025. godinu, sa ukupnim vrijednosnim iznosima datumima i primaocima uz osiguranje dokumenata u formi potvrda o dostavljenim robama koje su izdali primaoci - Obrazac „Spisak izvršenih ugovora-lista referenci“ u Aneksu 6, tenderske dokumentacije ili od datuma registracije, ukoliko je ponuđač počeo sa radom prije manje od tri godine, dostavit će dokaz za taj period.

Dokaz se podnosi u tabelarnom pregledu - Obrazacu „Spisak izvršenih ugovora-lista referenci“ u Aneksu 6, koji se nalazi u prilogu ove tenderske dokumentacije uz potvrdu koju daje druga ugovorna strana o njihovoj realizaciji. Dokumentacija koja se podnosi mora biti dostavljena u originalu ili u kopiji ovjerenoj od strana nadležnog organa uprave. U slučaju da se takva potvrda iz objektivnih razloga ne može dobiti od ugovorne strane koja nije ugovorni organ, vrijedi izjava privrednog subjekta o uredno izvršenim ugovorima, uz predočavanje dokaza o učinjenim pokušajima da se takve potvrde osiguraju.

Potvrda o uredno izvršenim ugovorima mora sadržavati sljedeće podatke:

- a) naziv i sjedište ugovornih strana ili privrednih subjekata;
- b) predmet ugovora;
- c) vrijednost ugovora;
- d) vrijeme i mjesto izvršenja ugovora;

e) navode o uredno izvršenim ugovorima.

Ukoliko ponudu dostavlja grupa ponuđača, svi članovi grupe dostavljaju zajedno dokaze u smislu ispunjavanja uslova.

* Uvidom u ponudu ponuđača „INDUSTRIJA 4B“ d.o.o. Kakanj, komisija je utvrdila sljedeće:

Ponuđač „INDUSTRIJA 4B“ d.o.o. Kakanj je u svojoj ponudi, na stranici 9, dostavio spisak izvršenih ugovora – listu referenci, gdje je naveo jedan ugovor. Za ugovor je priložio Potvrdu o uspješnoj realizaciji Ugovora, na stranici 11 svoje ponude.

Potvrda o realizaciji Ugovora koju je u svojoj ponudi dostavio ponuđač „INDUSTRIJA 4B“ d.o.o. Kakanj ne odgovara ponudi koju je tražio Ugovorni organ, to jeste realizaciji najmanje 1(jednog) ugovora ili više ugovora u prethodne tri godine (počevši od 09.10.2022.godine), čiji je karakter i kompleksnost isti onima koji se odnosi na predloženi ugovor (isporuka i ugradnja gumene transportne trake), a čiji zbir vrijednosti za jedan ugovor ili više ugovora ne može biti manji od 100.000,00 KM bez PDV-a. Ugovorni organ je u tenderskoj dokumentaciji naveo da traži dokaz o realizaciji najmanje 1 (jednog) ugovora ili više ugovora u prethodne tri godine (počevši od 09.10.2022.godine), čiji je karakter i kompleksnost isti onima koji se odnosi na predloženi ugovor (isporuka i ugradnja gumene transportne trake). Naime, potvrda koju je dostavio ponuđač „INDUSTRIJA 4B“ d.o.o. Kakanj odnosi se na isporuku Gumenu transportnu traku B=1000 mm, bez ugradnje.

S obzirom da spisak izvršenih ugovora-liste referenci ponuđača „INDUSTRIJA 4B“ d.o.o. Kakanj nije dostavljen na način koji je propisan Tenderskom dokumentacijom, to je ponuda ocijenjena kao nepravilna.

Činjenično stanje je konstatovano u Zapisniku o ocjeni ponuda broj: 1232-11/25 od 20.11.2025. godine, koji je sastavni dio ovog Izvješćaja.

Primjena preferencijalnog tretmana domaćeg

Ugovorni organ NE primjenjuje preferencijalni tretman domaćeg (preferencijalni tretman cijene) iz člana 67. Zakona o javnim nabavkama.

Odluka o obaveznoj primjeni preferencijalnog tretmana domaćeg broj: VM 89/2020 od 29.05.2020. godine („Službeni glasnik BiH“ broj: 34/20), donesena od strane Vijeća ministara Bosne i Hercegovine, prestala je sa važenjem dana 01.06.2021. godine.

S obzirom da Vijeće ministara Bosne i Hercegovine nije donijelo poseban podzakonski akt kojim se reguliše primjena preferencijalnog tretmana domaćeg, to prema članu 67. Zakona o javnim nabavkama, ne postoji pravni osnov za primjenu preferencijalnog tretmana domaćeg.

Provođenje E-aukcije

Prije provođenja postupka E-aukcije Komisija Ugovornog organa je utvrdila koje od pristiglih ponuda su prihvatljive te je Ugovorni organ je utvrdio slijedeću rang listu ponuđača, a po osnovu kriterija najniža cijena:

– Rang-lista ponuđača:

Naziv / ime ponuđača		Ponuđena cijena (bez PDV-a)
1.	Konzorcij „AB PETROL“ d.o.o. Kakanj BIH-NS „COPEX“ d.o.o. Krušedol selo Srbija	218.760,00 KM

Ugovorni organ je tačkom 4.6. Tenderske dokumentacije predvidio provođenje e-aukcije u predmetnom postupku u skladu sa Pravilnikom o uslovima i načinu korištenja e-aukcije.

Međutim, kako je pristigla samo jedna prihvatljiva ponuda, te kako Zakon o javnim nabavkama nalaže da se e-aukcija ne provodi u slučaju jedne prihvatljive ponude, tako da Ugovorni organ nema osnova da provede e-aukciju.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjele ponude, shodno kriterijima iz Tenderske dokumentacije.

U postupku ocjene provedenog postupka, Direktor nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku.


Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom. Uvidom u priloženu dokumentaciju, nesporno je da je izabrani ponuđač najbolje ocijenjen zbog:

Najniže cijene, kako slijedi:


PODACI O NAJPOVOLJNIJEM PONUĐAČU		
1.	Naziv / ime ponuđača	„AB PETROL“ d.o.o. Kakanj BIH-NS „COPEX“ d.o.o. Krušedol selo Srbija
2.	Adresa	Donji Banjevac 17/A
3.	Ukupna cijena ponude bez PDV-a	218.760,00 KM
4.	Popust	0,00 KM
5.	Ukupna cijena ponude sa PDV-om	255.949,20 KM

Iz navedenih razloga, primjenom člana 64. stava (1) tačka b) najniža cijena Zakona o javnim nabavkama odlučeno je kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi putem Rudnika mrkog uglja "Kakanj" d.o.o. -Kakanj, najkasnije u roku od 10 (deset) dana od dana prijema ove odluke.

Prokurist

Adi Hamidović, dipl.inž.maš.



Direktor

Iso Delibašić, dipl.ekonomista

Dostavljeno:

1x Direktor

1x Učesnici u postupku javne nabavke

1x a/a